



易

經

上



服部文庫
117
121



易經

2

周易
上經

下經

言高利之興

徐公頌示

道春點

徐公頌示

洪

洪

點

夕顏巷

新板五經

付

羅浮山

易序

易之為書，卦爻象象之義，備而天地萬物之
 情見，聖人之憂天下，來世其至矣。先天下而
 開其物，後天下而成其務，是故極其數以定
 天下之象，著其象以定天下之吉凶，六十四
 卦三百八十四爻，皆所以順性命之理，盡變
 化之道也。散之在理，則有萬殊；統之在道，則
 無一致。所以易有太極，是生兩儀，太極者道

也。兩儀者陰陽也。陰陽一道也。太極元極也。萬物之生負陰而抱陽。莫不有太極。莫不有兩儀。網緼交感。變化不窮。形一受其生。神一發其智。情偽出焉。萬緒起焉。易所以定吉凶而生大業。故易者陰陽之道也。卦者陰陽之物也。爻者陰陽之動也。卦雖不同。所同者奇偶。爻雖不同。所同者九六。是以六十四卦為其體。三百八十四爻互為其用。遠在六合之

外。近在一身之中。暫於瞬息。微於動靜。莫不有卦之象。焉莫不有爻之義。焉至哉。易乎其道至大。而无不包其用。至神而无不存時。固未始有一。而卦未始有定象。事固未始有窮。而爻亦未始有定位。以一時而索卦。則拘於无變。非易也。以一事而明爻。則窒而不通。非易也。知所謂卦爻象象之義。而不知有卦爻象象之用。亦非易也。故得之於精神之運心。

術之動與天地合其德與日月合其明與四
時合其序與鬼神合其吉凶然後可以謂之
知易也雖然易之有卦易之已形者也卦之
有爻卦之已見者也已形已見者可以言知
未形未見者不可以名求則所謂易者果何
如哉此學者所當知也

易傳序

易變易也隨時變身以從道也其為書也廣
大悉備將以順性命之理通幽明之故盡事
物之情而示開物成務之道也聖人之憂患
後世可謂至矣夫去古雖遠遺經尚存然而前
儒失意以傳言後學誦言而志味自泰而下
蓋无傳矣予生千載之後悼斯文之湮晦將
俾後人沿流而求源此傳所以作也易有聖

人之道四焉以言者尚其辭以動者尚其變以制器者尚其象以筮者尚其占吉凶消長之理進退存亡之道備於辭推辭考卦可以知變象與占在其中矣君子居則觀其象而玩其辭動則觀其變而玩其占得於辭不達其意者有矣未有不得於辭而能通其意者也至微者理也至著者象也體用一源顯微無間觀會通以行其典禮則辭无所不備

故善學者求言必自近易於近者非知言者也予所傳者辭也由辭以得其意則在乎人焉有宋元符二年己卯正月庚申河南程頤正叔序

周易篇目

上經 下經

上彖傳 下彖傳

上象傳 下象傳

上繫辭傳 下繫辭傳

文言傳 說經傳

序卦傳 雜卦傳

周易卦名

疏云卦者掛也言懸掛物象以示人故謂之卦但知有三畫者有物之象於外也
變通之理以本卦有九五重之而有六畫者為二形也若天之什百也
言而成卦也

乾 坤 屯 蒙 需

訟 師 比 小畜 履

泰 否 同人 大有 謙

豫 隨 蠱 臨 觀

噬嗑 賁 剝 復 无妄

大畜 頤 大過 坎 離

咸 恆 遯 大壯 晉

明夷 家人 睽 蹇 解

損 益 夬 垢 萃

升 困 井 革 鼎

震 艮 漸 歸妹 豐

旅 巽 兌 渙 節

中孚 小過 既濟 未濟

乾為天 天風姤 天山遯 天地否

風地觀 山地剝 火地晉 火天大有

坎為水 水澤節 水雷屯 水火既濟

澤火革 雷火豐 地火明夷 地水師

艮為山 山火賁 山天大畜 山澤損

火澤睽 天澤履 風澤中孚 風山漸

震為雷 雷地豫 雷水解 雷風恒

地風升 水風井 澤風大過 澤畜隨

巽為風 風天小畜 風火家人 風雷益

天雷无妄 火雷噬嗑 山雷頤 山風蠱

離為火 火山旅 火風鼎 火水濟未

山水蒙 風水渙 天水訟 天火同人同

坤為地 地雷復 地澤臨 地天泰

雷天壯壯 澤天夬 水天需 水地比

兌為澤 澤水困 澤地萃 澤山咸

水山蹇 地山謙 雷山過過 雷澤歸妹歸妹

右卦象

訟自遯變泰歸妹 否從漸來隨三位

首困噬嗑未濟兼 蠱二變賁井既濟

噬嗑六五本益生 賁原於損既濟會

无妄訟來大畜需 咸旅恒豐皆疑似

震從觀更睽有三 離與中孚家人係

蹇利西南小過來 解升二卦相為贅

鼎由巽變漸渙旅 渙自漸來終於是

左卦變

乾坤屯蒙需訟師 比小畜兮履泰否

同人大有謙豫隨 蠱臨觀兮噬嗑賁

剝復无妄大畜頤 大過坎離三十備

咸恒遯兮及大壯 晉與明夷家人睽

蹇解損益夬姤萃 升困井革鼎震繼

艮漸歸妹豐旅巽 兌渙節兮中孚至

小過既濟兼未濟 是為下經三十四

右卦歌

☰ 乾二運

☷ 坤六斷

☳ 震仰盂

☶ 艮覆碗

☲ 離中虛

☵ 坎中滿

☱ 兌上缺

☴ 巽下斷

右八卦取象

目錄終

乾	坤	屯	蒙	需	訟	師	比	小畜	履	泰	否	觀	剝	坤	乾
---	---	---	---	---	---	---	---	----	---	---	---	---	---	---	---



周易

上經



乾下
乾上

乾鑿度夫陽道純而奇故上篇三十所以象陽也陰道不純而偶故下篇三十四所以象陰也
 乾坤者陰陽之上下物之祖也故為上篇之始而尊之也經曰初九曰見龍在田利見大人○九二君子終日乾乾夕惕若厲无咎○九四或躍在淵无咎○九五飛龍在天利見大人○上九亢龍有悔○用九見群龍无首吉

乾元亨利貞○初九潜龍勿用○九二見龍

在田利見大人○九三君子終日乾乾夕惕

若厲无咎○九四或躍在淵无咎○九五飛

龍在天利見大人○上九亢龍有悔○用九

見群龍无首吉

坤下
坤上

坤元亨利牝馬之貞君子有攸往先迷後得

主利西南得朋東北喪朋安貞吉○初六履

霜堅冰至○六二直方大不習无不利○六

三含章可貞或從王事无成有終○六四括

囊无咎无譽○六五黃裳元吉○上六龍戰

于野其血玄黃○用六利永貞

震下
坎上

屯元亨利貞勿用有攸往利建侯

初九磐桓利居貞利建侯○六二屯如遭如

乘馬班如匪寇婚媾女子貞不字十年乃字

○六三即鹿无虞惟入林中君子幾不如

舍往吝○六四乘馬班如求婚媾往吉无不

利○九五屯其膏小貞吉大貞凶○上六乘

馬班如泣血漣如

坎下
艮上

馬班如泣血漣如

蒙亨匪我求童蒙童蒙求我初筮告巫更三瀆瀆則不告利貞

初六發蒙利用刑人用說桎梏以往吝○九

二包蒙吉納婦吉子克家○六二勿用取女

見金夫不有躬无攸利○六四困蒙吝○六

五童蒙吉○上九擊蒙不利為寇利禦

寇

☰☷ 乾下 坎上

需有孚光亨貞吉利涉大川

初九需于郊利用恒无咎○九二需于沙小

有言終吉○九三需于泥致寇至○六四

需于血出自穴○九五需于酒食貞吉○

上六入于穴有不速之客二人來敬之終

吉

☰☷ 坎下 乾上

訟有孚窒惕中吉終凶利見大人不利涉大

川

初六不來所事。小有言終吉。○九二不

克訟歸而逋。其邑人三百。無眚。○六三食

舊德。自厲終吉。或從王事。无成。○九四不克

訟復。即命渝安。貞吉。○九五訟元吉。○上九

或錫鞶帶。終朝三褫之。

坤下
坤上

師貞丈人吉无咎。○初六師出以律。不臧凶。

○九二在師中。无咎。王三錫命。○六三師

或輿尸凶。○六四師左次。无咎。○六五田有

禽利。執言无咎。長子帥師。弟子輿尸。貞凶。○

上六大君有命。開國承家。小人勿用。

坤下
坎上

比吉原筮。元末貞无咎。不寧方來後夫凶。○

初六有孚比之。无咎。有孚盈缶。終來有它吉。

○六二比之自內。貞吉。○六三比之匪人。○

六四外比之貞吉○九五顯比王用三驅失
前禽邑人不誡吉○上六比之无首凶

三三 乾下 巽上

小畜亨密雲不雨自我西郊○初九復自道
何其咎吉○九二牽復吉○九三輿說輻夫
妻反目○六四有孚血去惕出无咎○九五
有孚攣如富以其鄰○上九既雨既處尚德
載婦貞厲月幾望君子征凶

三三 乾下 乾上

履虎尾不噬人亨○初九素履往无咎○九
二履道坦坦幽人貞吉○六三眇能視跛能
履履虎尾咥人凶武人為于大君○九四履
虎尾愬愬終吉○九五夬履貞厲○上九視
履考祥其旋元吉

三三 乾下 坤上

泰小往大來吉亨○初九拔茅茹以其彙征

吉○九二苞荒用馮河不遐遺朋亡得尚于

中行○九二无平不破无往不復艱貞无咎

勿恤其孚于食有福○六四翩翩不富以其

鄰不戒以孚○六五帝乙歸妹以祉元吉○

上六城復于隍勿用師自邑告命貞吝

坤下 乾上

否之匪人不利君子貞大往小來○初六拔

茅茹以其彙貞吉亨○六二苞承小人吉大

人不亨○六三包羞○九四有命无咎疇

祉○九五休否大人吉其亡其繫于苞桑

○上九頗否先否後喜

離下 乾上

同人于野亨利涉大川利君子貞○初九同

人于門无咎○六二同人于宗吝○九二伏

戎于莽升其高陵三歲不興○九四乘其墉

弗克攻吉○九五同人先號咷而後笑大師

戎

克相遇 ○上九同人于郊无悔

☲☱ 離 上

大有元亨 ○初九无交害匪咎艱則无咎 ○

九二大車以載有攸往无咎 ○九三公用亨

于天子小人弗克 ○九四匪其彭无咎 ○六

五厥孚交如威如吉 ○上九自天祐之吉无

不利

☲☱ 艮 下

謙亨君子有終 ○初六謙謙君子用涉大川

吉 ○六二鳴謙貞吉 ○九三勞謙君子有終

吉 ○六四无不利撝謙 ○六五不富以其鄰

利用侵伐无不利 ○上六鳴謙利用行師征

邑國

☷☷ 坤 下

豫利建侯行師 ○初六鳴豫凶 ○六二介于

石不終日貞吉 ○六三盱豫悔遲有悔 ○九

四由豫大有得勿疑明益替○六五貞疾恒不死○上六冥豫成有渝无咎

震上兌下

隨元亨利貞无咎○初九官有渝貞吉出門交有功○六二係小子失丈夫○六三係丈夫失小子隨有求得利居貞○九四隨有獲貞凶有孚在道以明何咎○九五孚于嘉吉○上六拘係之乃從維之王用亨于西山

巽下艮上

蠱元亨利涉大川先甲三日後甲三日○初六幹父之蠱有子考无咎厲終吉○九二幹母之蠱不可貞○九三幹父之蠱小有悔无大咎○六四裕父之蠱往見吝○六五幹父之蠱用譽○上九不事王侯高尚其事

兌下坤上

臨元亨利貞至于八月有凶○初九咸臨貞

吉○九二咸臨吉无不利○六三甘臨无攸
利既憂之无咎○六四至臨无咎○六五知
臨大君之宜吉○上六敦臨吉无咎

坤下 巽上

觀盥而不薦有孚顒若○初六童觀小人无
咎君子吝○六二闚觀利女貞○六三觀我
生進退○六四觀國之光利用賓于王○九
五觀我生君子无咎○上九觀其生君子无

咎

震下 離上

噬嗑亨利用獄○初九履校滅趾无咎○六
二噬膚滅鼻无咎○六三噬腊肉遇毒小吝
无咎○九四噬乾肺得金矢利艱貞吉○六
五噬乾肉得黃金貞厲无咎○上九何校滅

耳凶

離下 艮上

耳凶

賁亨。小利有攸往。○初九賁其趾舍車而徒

○六二賁其須。○九二賁如濡如永貞吉。○

六四賁如皤如白馬翰如匪寇婚媾。○六五

賁于丘園束帛戔戔吝終吉。○上九白賁无

咎

坤下
艮上

剥不利有攸往。○初六剥牀以足蔑貞凶。○

六二剥牀以辨蔑貞凶。○六三剥之无咎。○

六四剥牀以膚凶。○六五貫魚以宮人寵无

不利。○上九碩果不食君子得輿小人剥廬

震下
坤上

復亨。出入无疾朋來无咎及復其道七日來

復利有攸往。○初九不遠復无祇悔元吉。○

六二休復吉。○六三頻復厲无咎。○六四中

行獨復。○六五敦復无悔。○上六迷復凶有

災眚用行師終有大敗以其國君凶至于十

年不克征



震下 乾上

无妄元亨利貞其匪正有眚不利有攸往○

初九无妄往吉○六二不耕穫不菑畲則利

有攸往○六三无妄之災或繫之牛行人之

得邑人之災○九四可貞无咎○九五无妄

之疾勿藥有喜○上九无妄行有眚无攸利




乾下 艮上

太畜利貞不家食吉利涉大川○初九有厲

利已○九二輿說輟○九三良馬逐利剪貞

日閑輿衛利有攸往○六四童牛之牯元吉

○六五豮豕之牙吉○上九何天之衢亨



震下 艮上

頤貞吉觀頤自求口實○初九舍爾靈龜觀

我朵頤凶○六二顛頤拂經于丘頤征凶○

六三拂頤貞凶十年勿用无攸利○六四顛

菜多果友

曰

易經上

卷之七

願吉虎視耽耽其欲逐逐无咎○六五拂經
居貞吉不可涉大川○上九由頤厲吉利涉

大川



巽下
兌上

大過棟橈利有攸往亨○初六藉用白茅无
咎○九二枯楊生稊老夫得其女妻无不利
○九三棟橈凶○九四棟隆吉有它吝○九
五枯楊生華老婦得其士夫无咎无譽○上

六過涉滅頂凶无咎



坎下
坎上

習坎有孚維心亨行有尚○初六習坎入于
坎窞凶○九二坎有險求小得○六三來之
坎坎險且枕入于坎窞勿用○六四樽酒簋
載用缶納約自牖終无咎○九五坎不盈祗
既平无咎○上六係用徽纆寘于叢棘三歲
不得凶



離上
離下

離利貞亨。畜牝牛吉。○初九履錯然敬之无

咎。○六二黃離元吉。○九二日昃之離不鼓

缶而歌則大耋之嗟凶。○九四突如其來如

焚如死如棄如。○六五出涕洟若戚嗟若吉

○上九王用出征有嘉折首獲匪其醜无咎

下經



兌上
艮下

咸亨利貞取女吉。○初六咸其拇。○六二咸

其腓凶居吉。○九二咸其股執其隨往吝。○

九四貞吉悔亡憧憧往來朋從爾思。○九五

咸其脢无悔。○上六咸其輔頰舌。



巽下
震上

恒亨无咎利貞利有攸往。○初六浚恒貞凶

无攸利。○九二悔亡。○九三不恒其德或承

之羞貞吝。○九四田无禽。○六五恒其德貞

婦人吉。夫字凶。○上六振柅凶。

三三 艮下 乾上

遯亨。小利貞。○初六遯尾厲。勿用。有攸往。

六三執之用黄牛之革。莫之勝說。○九二係

遯。有疾厲。畜臣妾吉。○九四好遯。君子吉。小

人否。○九五嘉遯。貞吉。○上九肥遯。无不利。

三三 乾下 震上

大壯利貞。○初九壯于趾。征凶。有孚。○九二

貞吉。○九三小人用壯。君子用罔。貞厲。羸羊

觸藩。羸其角。○九四貞吉。悔亡。藩决不羸。壯

于大輿之輓。○六五喪羊于易。无悔。○上六

羸羊觸藩。不能退。不能遂。无攸利。艱則吉。

三三 坤下 離上

晉康侯用錫馬蕃庶。晝日三接。○初六晉如

摧如。貞吉。困乎裕。无咎。○六二晉如。愁如。貞

吉。受茲介福于其王母。○六三衆允悔亡。○

九四晉如鼫鼠貞厲○六五悔亡失得勿恤
往吉无不利○上九晉其角維用伐邑厲吉
无咎貞吝

三三 離下
坤上

明夷利艱貞○初九明夷于飛垂其翼君子
于行三日不食有攸往主人有言○六二明
夷夷于左股用拯馬壯吉○九二明夷于南
狩得其首不可疾貞○六四入于左腹獲

明夷之心于出門庭○六五箕子之明夷利
貞○上六不明晦初登于天後入于地

三三 離下
巽上

家人利女貞○初九閑有家悔亡○六二无
攸遂在中饋貞吉○九二家人嗃嗃悔厲吉
婦子嘻嘻終吝○六四富家大吉○九五王
假有家勿恤吉○上九有孚威如終吉

三三 離下
兌上

睽小事吉○初九悔亡喪馬勿逐自復見惡

人无咎○九二遇主于巷无咎○六二見輿曳

其牛掣其人天且劓无初有終○九四睽孤

遇元夫交孚厲无咎○六五悔亡厥宗噬膚

往何咎○上九睽孤見豕負塗載鬼一車先

張之弧後說之弧匪寇婚媾往遇雨則吉

☶ 艮下 坎上

蹇利西南不利東北利見大人貞吉○初六

往蹇來譽○六二王臣蹇蹇匪躬之故○九

三往蹇來反○六四往蹇來連○九五大蹇

朋來○上六往蹇來碩吉利見大人

☵ 坎下 震上

解利西南无所往其來復吉有攸往夙吉○

初六无咎○九二田獲三狐得黃矢貞吉○

六三負且乘致寇至貞吝○九四解而拇朋

至斯孚○六五君子維有解吉有孚于小人

上六公用射隼于高墉之上獲之无不利

三 艮上

損有孚元吉无咎可貞利有攸往曷之用一

簋可用享○初九已事遄往无咎酌損之○

九二利貞征凶弗損益之○六三三人行則

損一人一人行則得其友○六四損其疾使

遇有喜无咎○六五或益之十朋之龜弗克

違元吉○上九弗損益之无咎貞吉利有攸

往得臣无家

三 震下 巽上

益利有攸往利涉大川○初九利用為大作

元吉无咎○六二或益之十朋之龜弗克違

求貞吉王用享于帝吉○六三益之用凶事

无咎有孚中行告公用圭○六四中行告公

從利用為依遷國○九五有孚惠心勿問元

吉有孚惠我德○上九莫益之或擊之立心

勿恒凶

☰ 乾下
兌上

夫揚于王庭乎號有厲告自邑不利即我利

有攸往○初九壯于前趾往不勝為咎○九

二惕號莫夜有戎勿恤○九三壯于頄有凶

君子夫夫獨行遇雨若濡有愠无咎○九四

臀无膚其行次且牽羊悔亡聞言不信○九

五其陸夬夬中行无咎○上六无號終有凶

☰ 巽下
乾上

姤女壯勿用取女○初六繫于金柅貞吉有

攸往見凶羸豕孚蹢躅○九二包有魚无咎

不利賓○九三臀无膚其行次且厲无大咎

○九四包无魚起凶○九五以杞包瓜含章

有隕自天○上九姤其角吝无咎

☷ 坤下
兌上

萃亨王假有廟利見大人亨利貞用大牲吉

利有攸往 ○初六有孚不終乃亂乃茲若號

一握為笑勿恤往无咎 ○六一引吉无咎孚

乃利用禴 ○六二萃如嗟如无攸利往无咎

小吝 ○九四大吉无咎 ○九五萃有位无咎

匪孚元求貞悔亡 ○上六齋咨涕洟无咎

䷁ 巽下坤上

升元亨用見大人勿恤南征吉 ○初六允升

大吉 ○九二孚乃利用禴无咎 ○九三升虛

邑 ○六四王用亨于岐山吉无咎 ○六五貞

吉升階 ○上六實升利于不息之貞

䷭ 坎上下

困亨貞大人吉无咎有言不信 ○初六臀困

于株木入于幽谷三歲不覿 ○九二困于酒

食朱紱方來利用亨祀征凶无咎 ○六三困

于石據于蒺藜入于其宮不見其妻凶 ○九

四來徐徐困于金車吝有終 ○九五劓刖困

于赤紱乃徐有說利用祭祀○上六困于葛藟于臲卼曰動悔有悔征吉

巽下坎上

井改邑不改井无喪无得往來井汔至亦

未繇井羸其瓶凶○初六井泥不食舊井无

禽○九二井谷射鮒甕敝漏○九三井渫不

食為我心恻可用汲王明並受其福○六四

井甃无咎○九五井冽寒泉食○上六井收

莫

勿幕有孚元吉

巽下離上

革已日乃孚元亨利貞悔亡○初九鞶用黃

牛之革○六二已日乃革之征吉无咎○九

三征凶貞厲革言三就有孚○九四悔亡有

孚改命吉○九五大人虎變未占有孚○上

六君子豹變小人革面征凶居貞吉

巽下離上

鼎元吉亨○初六鼎顛趾利出不得妾以其
子无咎○九二鼎有實我仇有疾不我能即
吉○九三鼎耳革其行塞雉膏不食方雨虧
悔終吉○九四鼎折足覆公餗其形渥凶○
六五鼎黃耳金鉉利貞○上九鼎玉鉉大吉
无不利

震上
震下

震亨震來虩虩笑言啞啞震來驚馬百里未喪七

○初九震來虩虩後笑言啞啞吉○六二
震來厲億喪貝躋于九陵勿逐七日得○六
三震蘇蘇震行无眚○九四震遂泥○六五
震往來厲億无喪有事○上六震索索索視
矍矍征凶震不于其躬于其鄰无咎婚媾有言
艮上
艮下
艮其背不獲其身行其庭不見其人无咎○
初六艮其趾无咎利末貞○六一艮其腓不


拯其隨其心不快○九三良其限列其賓厲
蕙○六四良其身无咎○六五良其輔言
有序悔亡○上九敦復吉



巽上
巽下

漸女歸吉利貞○初六鴻漸于干小子厲有
言无咎○六二鴻漸于盤飲食衎衎吉○九
三鴻漸于陸夫征不復婦孕不育凶利御寇
○六四鴻漸于木或得其桷无咎○九五鴻

漸于陵婦三歲不孕終莫之勝吉○上六鴻
漸于陸其羽可用為儀吉



震上
震下

歸妹征凶无攸利○初九歸妹以娣跛能履
征吉○九二眇能視利幽人之貞○六三歸
妹以須反歸以娣○九四歸妹愆期遲歸有
時○六五帝乙歸妹其君之袂不如其娣之
袂良月幾望吉○上六女承筐无實士刲羊

利

无血无攸利

離下
震上

豐亨主假之勿憂宜日中○初九遇其配主

雖旬无咎往有尚○六二豐其蔀日中見斗

往得疑疾有孚發若吉○九二豐其沛日中

見沫折其右肱无咎○九四豐其蔀日中見

斗遇其夷主吉○六五來章有慶譽吉○上

六豐其蔀其家闕其戶闕其无人○歲不

觀凶

離上
離下

旅小亨旅貞吉○初六旅瑣瑣斯其所取災


○六一旅即次懷其資得童僕貞○九二旅

焚其次喪其童僕貞厲○九四旅于處得其

資斧我心不快○六五射雉一矢亡終以譽

命○上九鳥焚其巢旅人先笑後號吽喪牛

于易凶



巽下
巽上

巽小亨利有攸往利見大人○初六進退利

武人之貞○九二巽在牀下用史巫紛若吉

无咎○九三頻巽吝○六四悔亡田獲三品

○九五貞吉悔亡无不利无初有終先庚三

日ナカ後庚三日吉○上九巽在牀下喪其簪斧

貞凶



兌下
兌上

兌亨利貞○初九和兌吉○九二垂象吉悔

亡○六三乘兌凶○九四商兌未寧介疾有

喜○九五孚于剝有厲○上六引兌



坤下
巽上

渙亨主假有廟利涉大川利貞○初六用拯

馬壯吉○九二渙奔其机悔亡○六三渙其

躬无悔○六四渙其群元吉渙有丘匪夷所

思○九五渙其大號渙王居无咎○上九

汗

渙其血去逖出无咎

☵ 兌下 坎上

節亨苦節不可貞○初九不出戶庭无咎○

九二不出門庭凶○六三不節若則嗟若无

咎○六四安節亨○九五甘節吉往有尚○

上六苦節貞凶悔亡

☵ 兌下 巽上

中孚豚魚吉利涉大川利貞○初九虞吉有

它不燕○九二鳴鶴在陰其子和之我有好

爵吾與爾靡之○六三得敵或鼓或罷或泣

或歌○六四月幾望馬匹亡无咎○九五有

孚攣如无咎○上九翰音登于天貞凶

☳ 艮下 震上

小過亨利貞可小事不可大事飛鳥遺之音

不宜上宜下大吉○初六飛鳥以凶○六二

過其祖遇其妣不及其君遇其臣无咎○九

三弗過防之從或戕之凶○九四无咎弗過
遇之往厲必戒勿用求貞○六五密雲不雨
自我西郊公弋取彼在穴○上六弗遇過之
飛鳥離之凶是謂災眚

三三 離下
坎上

既濟亨小利貞初吉終亂○初九曳其輪濡
其尾无咎○六二婦喪其茀勿逐七日得○六
九三高宗伐鬼方三年克之小人勿用○六

四繻有衣袽終日戒○九五東鄰殺牛不如
西鄰之禴祭實受其福○上六濡其首厲

三三 坎下
離上

未濟亨小狐汔濟濡其尾无攸利○初六濡
其尾吝○九二曳其輪貞吉○六三未濟征
凶利涉大川○九四貞吉悔亡震用伐鬼方
三年有賞于大國○六五貞吉无悔君子之
光有孚吉○上九有孚于飲酒无咎濡其首

